



Ineqi Kielsen, Siumut
Inatsisartuni ilaasortaq
/Maani

**Narsamut immap naqqatigut kabeli pillugu § 37 naapertorlugu apeqquteqaat nr.
2016-099-imut akissut**

Brevdato: 13-04-2016
Sags nr. 2016-5786
Dok. nr. 9396243

Aallarniutigalugu apeqqutinnut, imatut nipeqartumut qutsavigaakkit:

- 1) Naalakkersuisut eqqarsaatersuutigisimanerpaat Søkabelip
Nukissiorfiit ermup nukinga atorlugu sarfaliuutaata kabili atorlugit
Narsamut nangillugu ingerlateqqinneqarnissaa?**

Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: lsan@nanoq.gl
www.naalakkersuisut.gl

Naalakkersuisut nuna tamakkerlugu nalunaarasuartaatitigut attaveqaqatigiinnermi sinaakkutissanik pitsaanerusunik akikinnerusunillu pilersitsinissamut sinaakkusiinissamik suliaqarput. Tamatumani attaveqaatit pigineqareersut pitsaanerpaamik atorineqarnissaat tunngavigineqartunut ilaavoq, taakkunungalu TELE-POST-ip attaveqaatai, aammalu attaveqaatit qinerneqarsinnaasut allat ilaatinneqarput. Attaveqaatinik qinerneqarsinnaasunik allanut oqarninni assersuutigalugu Nukissiorfiit imaluunniit ingerlatseqatigiiffiit Namminersorlutik Oqartussat attaveqaataat, nalunaarasuartaatitigut attaveqaqatigiinnermut atorineqarsinnaasut eqqarsaatigaakka.

Taamaattumik aap, nalunaarasuartaateqarnermi attaveqaatinik qinerneqarsinnaasunik allanik peqalernissaq Naalakkersuisut soqutigisaraat sulissutigalugulu, tamatumani pisut ataasiakkaaginnaat pineqaratik, nuna tamakkerlugu eqqarsaatigineqarpoq. Tamatumunnga tapersiutitut attaveqaatinik qinerneqarsinnaasunik allanik nalunaarsuisoqassasoq aalajangerpunga. Tamatuma kingorna attaveqaatit qinerneqarsinnaasut allat nalunaarasuartaateqarnermi attaveqaatinut atorineqarsinnaanersut aammalu qanoq annertutigisumik atorineqarsinnaanersut naliliisoqassaaq. Misissueqqissaarnerup 2016-ip ingerlanerani naammassinissaa naatsorsuutigineqarmat ilisimatitsissutigineqassaaq.

Neriuppunga matumani apeqquṭit akisimassallugu.

Inussiarnersumik inuulluaqqusillunga



Knud Kristiansen